




www.BibleForChildren.org

Génesis 1



Yuus yama nagkamchakka
nayaimpin, tura
nugkancha
najanawaiti.




Turasha nugka atinka
nayantsajai pachimnaik
káshi jas ajakuiti.

Tumakaisha Yuusa Wakaní
nayantsanam muchitu
jakuiti.




Iman jas aun Yuus chichaak: iTsaaptin atii! tusa tinaiti. Tusa tamauwaik tsaaptin jasuiti. Tura tsaaptina juka "tsawai tutai atii" tusa tinaiti. Tura káshia juka "káshi tutai atii" tusa tinaiti. Nu aina najankamunam chikichik tsawan tumain uminkauwaiti.



Nunikmatai Yuus chichaak: "Entsan kanakiarti" tusa tinaiti. Tusa tamauwaik entsa aina kanakiaruiti.
Tumamtai Yuus chichaak: "Ju entsa kanak agkaru juaka juka nayaim tutai atii" tusa tinaiti. Nu aina najankamunam jimar tsawan tumain uminkauwaiti.



Nunikmatai Yuus chichaak: "Entsa nugkanam a ju iruuntrati, tumamtai nugka atin muku jastii" tusa tinaiti. Tusa tamauwaik muku jasuiti. Tumamtai Yuus chichaak: "Muku jasa juka nugka tutai atii. Antsu entsa aina iruuntrara juka nayants tutai arti" tusa tinaiti. Tura umik Yuus pegker iisuiti.



Tura chichaak: "Arak aina, nupa aina tura númi aina
nugkanam tsapakar yagkurukar nerekartí" tusa
tinaiti. Timau asa imanísag
uminkauwaiti. Nu aina
najankamunam
tres tsawan tumain
uminkauwaiti.



Tura Yuus etsantratnun jimaran najanawaiti. Tsawai
etsantratnun etsan ima untan najanawaiti.
Antsu káshi etsantratnun nantun
shikapchin najanawaiti. Nu aina
najankamunam cuatro tsawan
tumain uminkauwaiti.




Tura Yuus chichaak:
"Entsanam matsamsatin
ainasha, tura nanamtin
ainasha nugkanam
matsamsatin arti", tusa
tinaiti. Timau asa imanisag
uminkauwaiti. Nu aina
najankamunam cinco
tsawan tumain
uminkauwaiti.




Tura Yuus chichaak: "Kuntin tagku ainan, tagkuchu ainan, tura japinas yujau ainancha ashi nugkanam pampaartarma", tusa tinaiti. Timau asa imanisag uminkauwaiti.



Tura Yuus chichaak: "Namak ainan, nanamtin ainan,
kuntin ainan, tura japinas wekain aina nunasha
nagkasau atin yamaika shuar iya jumamtinak
najanami", tusa tinaiti. Yuus nuna ashi najanak
umik pegker iisuiti. Nu aina
najankamunam seis tsawan
tumain uminkauwaiti.



Apu Yuus jui pujusam takákum aja Edén tutai
kuitamata tusa shuaran ajanam apujsauwaiti.




Tura chicharuk: "Ju
númi iruna juna
neregka ashi yuata.
Turasha númi pegker,
tura pegkerchausha
nekatai timaj nuna
neregka yuawaipa. Ame
nu yuakmekka tunau
jastatme", tusa tinaiti.



Kuntin ainan, tura nanamtin
ainancha anairati, tusa shuar
pujamunam kuntin ainan apu Yuus
ashi ikaankauwaiti. Turamtai ni
anairauwaiti. Imanai anairamuk
yamaiya juisha kuntin ainaka
anaitaiyaiti. Turasha shuaran
yaimain atsujakuiti.



Tuma asamtai apu Yuus shuaran senchi ikantrauwaiti.
Tura nina paen jurus, ataksha ichimtuawaiti. Nu
aishmagkun pae jukimujai, apu Yuus ina apuriya nu
nuwan najana aishmagkun
susauwaiti.



Tuma asamtai shuar nuwenkugka
chikichik iyashia numamtin jasu asa
aparin, tura nukurin ikuak nuwejai
pujustinaiti, tusa tinaiti.



Yuuska ashi shuar ainatin shir senchi
anenmau asa, wina uchir chikichkia nuna
nekaspapita tusa umiruka waittan
jukichartin arti, antsu pujut tuke
atinan jukitin arti, tusa nina
uchiri chikichkia nunaka
suramsauwaitji.



Romanmaya 3:23 Ashi nugkanmaya ainaka tunau ainawai,
tumau asar Yuus tsaaptinum puja nuigka
jeamainchau ainawai.

Romanmaya 6:23 Tunau takamua nuka Yuusjai tuke
tupantikartawai. Antsu ina apuri Cristo Jesús inii
mantamna asamtai, Yuus antrag surammauka pujut
nagkanchauwa nuwaiti.

Hebreonmaya 9:27 Ashi shuar ainatika chikichkia
jakartin ainaji. Tumawakrin Yuus ii takasmaun iis
turamtinaitji.

Efesonmaya 2:8,9 Yuusa uchiri nekaspapita tau
asaakrumin, nina wait anenkartutairin atumnaka
uwentikramrauwaitrume. Atum uwemrattsarum
takamainka pegke atsawai. Nunaka Yuus nigki enentaimas
turawaiti. Ii pegker takamunmagka uwemkacharu
asar, ika ememamain ainatsji.



Romanmaya 10:9,10 Tura Jesucriston maamuncha Yuus nekas inankinapita tu enentaimkumka, tura Jesúska wina apuruiti takumka uwemratnaitme.

Jesucristowapi nekas wina tunaurun ashi tsagkurtur agkanmantikruawaita tu enentaimkumka, tura Jesucristowaiti nekas wina apurka takumka uwemratnaitme.

Juan 3:16,17 Yuuska ashi shuar ainatin shir senchi anenmau asa, wina uchir chikichkia nuna nekaspapita tusa umiruka waittan jukichartin arti, antsu pujut tuke atinan jukitin arti, tusa nina uchiri chikichkia nunaka suramsauwaitji. Yuuska shuar ainatin makuti tusagka ju nugkanmagka uchirinka akupturmakchauwaitji, antsu uwentikati tusa akupturmakuitji.



1 Juan 5:11-13 Yuus chichartamuk: Wii pujut
nagkanchauwa nuna amastinaitjarme turamnaitji. Nu
pujuta nunaka nina uchiriya nu sukartawai.
Yuusa uchiriya nuna jukinka nu pujutcha arawai. Antsu
Yuusa uchiriya nusha atsurmauka nu pujutcha atsurui.
Atum Yuusa uchiriya nuke shir nekaspapita tusa
enentaimtuinatirmin, pujut nagkanchauwa nu jukimusha
nekaatarma tusan junaka aatjarme.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Huambisa Bible (hub) © 2010, Wycliffe Bible Translators,
Inc. All rights reserved.

<https://live.bible.is/bible/HUBWBT/MAT/1>

©2024 Bible for Children, Inc.

www.M1914.org

www.bibleforchildren.org

